



UNIVERSITÄTS-
BIBLIOTHEK
PADERBORN

Universitätsbibliothek Paderborn

Via Vitæ Operis Hvivs Hypothesis

Florentius <Batavus>

Antverpiae, 1551

Tyronum in christiana religione alphabetum. Capvt. 8.

urn:nbn:de:hbz:466:1-30077

SANITATE ANIMAE.

absque afflictionibus & certaminibus: ad hæc contingere potuisse molestias longè grauiores: Deum etiam cum gratiarum actione orans, vt si à molestijs illis liberari non expedit, seruetur saltem ab offensis. In cunctis autem insultibus & angustijs totum sese diuino committat arbitrio, semper tamen interim studens dignè pro suauocatione versari: diuinumq; sedulo implorans auxilium, quo prauam consuetudinem, corruptos affectus, omneisq; satanæ machinas possit perrumpere & cum triumpho superare, ita cum Dauide orando. Vsq; quo exaltabitur inimicus meus super me? Respice & exaudi me Domine Deus meus. Illumina oculos meos ne vsquam obdormiam in morte, ne quando dicat inimicus meus, præualui aduersus eum.

Psal. 12. 3.

Tyronum in christiana religione alphabetum.

GAPVT. 8.

Clima. gra.
26.

LEctio seu alphabetum cui operan dare debent, incipientes, secundum Climacum hoc est. Perfectum enim incuit alphabetum spirituale incipientium est, obedientia, ieiunium, cilicium, cinis, lachrymæ, confessio, silentium, humilitas, vigiliæ, tolerantia, frigus, nuditas, fames, sitis, labor dolor, infirmitas, miseria, contemptus, contritio

tricio, non reddere malum pro malo, obliuisci iniurie, amor fraternitatis, mansuetudo, fides simplex & firma sine curiositate quæstionum, abdicatio curarum seculi & propriæ carnis, odium parentum & propriæ patriæ & loci deliciosi, non habere affectum vitiosum ad se aut ad alium domesticum, aut ad aliquam rem, simplicitas cum innocentia, mortificatio propriæ voluntatis, & amor vilitatis. Hæc ecce lectio est incipientium breuis quidem verbis, sed proluxa sententijs: quarum etiam nonnullas in præcedentibus copiosius tractauimus & explicuimus. His ergo trutinandis, his exprimendis studiosè debes incūbere. Non quod omnia necessario sint exprimēda: sed quod omnia humiliationes quædam sint, & congrua adminicula tyronum proficere uolentium ad perfectiora. Iam hoc loco animo meo charissimè amice, diligenter lancibus examina, num vere iam inceperis: num in superdictis gnauiter te exercitaris. Quandoquidem ipse mihi persuadeo, si in his dictis sedulo essem uersatus, facile me posse peruenire ad perfectionem: à qua tamen longissime me video abesse. Proph pudor: quid dicam? Simul atq; rationē inire incipio præsentis huius lectionis palam depræhendo,

SANITATE ANIMAE.

hendo, Deo obsequi, & ad perfectionem præparare, vix dum me bene cæpisse. Ah ni essem planè obcæcatus & induratus, ipse haud dubiè inhorrescerem, nec minus essem animo consternatus quam ij solent qui post longam nundinationem, magnum se arbitantes fecisse lucrum, subducta tandem ratione deprehendunt se non modo nullum fecisse lucrum, verum etiam mercatus aleam cecidisse infeliciter, atque adeo in ingentia se redactos debita. Sed vt tandem hic finem imponamus primo libro agenti de statu incipientium, sciendum hunc statum initium suum sumere ab humanae mentis ruditate, & consummationem suam habere in perfecta vetustatis hoc est impietatis & prauæ consuetudinis depositione. Incipit enim à conscientia remordentis amaritudine, & desinit in gustu quodam spiritualis læticiae. Incipit in mœstitudine, & desinit in gaudio. Vnde non iniuria hic status à nonnullis via purgationis vocata est, propterea quod sordes omnes expurget ac diluat vitæ prioris: & obstacula omnia à carne surgentia tollat vitæ spiritualis. Porro argumentum quod quis hunc statum feliciter ingressus sit, illud est, si rebus corpori necessarijs vti nouerit sobria

bria moderatione: si parcus sit in sermone,
 & linguam suã rectè cohibere nouerit à ver-
 bis ociosis. Argumentum vero prosperi in
 hoc statu progressus est, si quis sibi impera-
 re nouerit ab iracundia, & irrogatam sibi
 iniuriam didicerit obliuisci & paruipende-
 re. Cæterum argumentum fœlicis in eodem
 hoc statu perfectionis est, si quis eo vsque
 progressus sit, vt magno desiderio cupiat
 & gaudeat iam sese contemni, despici, ex-
 probrari: si afflictione ferat æquanimis ac
 volens: si nullum omnino peccatorem diuis
 dicendo contemnat, sed potius omneis mi-
 seretur. Deniq; indicium quod hi Deo pla-
 ceant & efficiantur grati illud est, si sibi in-
 dies magis magisq; displiceant: si sua vitia
 quo diutius hoc penitius agnoscant, intel-
 ligant & deplorent: si tantam in sese iam
 sentiant mentis ab omni turpitudine auer-
 sionem, quantam prius senserunt ad
 ipsam conuersionem & amorem: ve-
 luti dum tãtum iam capiunt bonæ
 voluptatis in exercitijs & actio-
 nibus pijs quantã prius capie-
 bant prauæ voluptatis
 ex rebus actionibus-
 que carnalibus &

impijs

SANITATE ANIMAE.
impis. Ad hæc omnia adsequenda adiuuet
nos Christus Iesus. Amen.

PRECATIO.

O Domine Deus, qui hoc mihi gratuita tua bo-
nitate in animum induxisti, ut saluberrimū
hunc incipientium statum amplecterer, tui
etiam adiutorij mihi concessa fiducia: fac ob-
secro ita maiorum me inherere uestigijs, ut nunquā
à meo diuellar instituto: neq; hinc per pusillanimita-
tē, neq; illinc per temeritudinē, fastū aut arroganti-
am, sed ut te ductore, te directore uia ingrediens re-
gia, ita hoc currā gradu incipientiū, ut tandē adse-
qui merear proximū huic gradū proficiētū: sic usq;
in uirtutibus progrediens ut ubiq; interim humiliā
de memet sentiam, ne quo pacto contingat per fa-
stū aut per neglectum seu cessationem, profe-
ctum meum impediri sicuti fere usu uenire
consuevit ijs qui sibi in profectu uirtu-
tum immodicē blandiuntur: à quo
morbo à te pientissime Deus
oro conseruari, ut & hic
tua gratia, & in
futuro dignus
haberi me-
rear tua
gloria.

Societatis Jesu Amē. Paderborne.
FINIS.